

**Qamutit motoorillit akileraarutaat pillugit Inatsisartut inatsisaata allannngortinnissaa, imaalillugu ATV-it taakkunungalu assingusut qamutit motoorillit nunakkoortit mikinerit sisamanik amerlanernilluunniit assakaasullit ukiumut akileraarutaat 2.000 kronemut appartinnissaanik Naalakkersuisut peqquneqarnissaannik Inatsisartut aalajangiiffigisassaattut siunnersuut**

*Stine Egedemit, Inuit Ataqtigiit, saqqummiunneqartoq*

**Ulloq 1. juuli 2020 aallarnerfigalugu ATV-nut qamuterallannullu akitsuutit peeqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut**

*Justus Hansenimit, Demokraatit, saqqummiunneqartoq*

**pillugit**

**Aningaasaqarnermut Akileraartarnermullu Ataatsimiititaliap**

**siunnersuutit aappassaaneerineqarnerannut**

**ILASSUTITUT ISUMALIUTISSIISUTAA**

Ataatsimiititaliap suliarinninnermini ilaasortarai:

Inatsisartunut ilaasortaq Hermann Berthelsen, Siumut, siulittaasoq  
Inatsisartunut ilaasortaq Peter Olsen, Inuit Ataqtigiit, siulittaasup tullia  
Inatsisartunut ilaasortaq Karl-Kristian Kruse, Siumut  
Inatsisartunut ilaasortaq Henrik Fleischer, Siumut  
Inatsisartunut ilaasortaq Malene V. Rasmussen, Demokraatit  
Inatsisartunut ilaasortaq Múte Bourup Egede, Inuit Ataqtigiit  
Inatsisartunut ilaasortaq Jens NapátôK', Partii Naleraq

Aalajangiiffigisassatut siunnersuutit imm. 54 aamma 135 ulloq 4. november 2019-imi imm. 165-imut aamma 166-imut ataqtigiissillugit oqaluuserineqarput. Aappassaaneerinninnissaaq sioqqutilaarlugu siunnersuuteqartup imm. 165 aamma 166 tunuartimmagat aalajangiiffigisassatut siunnersuutit matumani pineqartunik aappassaaneerinninnerup unitsinnissaa aalajangiunneqarpoq.

Snescooterinik aammalu ATV-nik eqqussuinermit akitsuutit atorunnaarsinneqarnissaat aammalu ATV-t motoorinut akileraarutaannik appaanissaaq naalakkersuinikkut sulitapersorsorneqarluartut ataatsimiititaliamit maluginiarneqarpoq. Taamaattumillu aalajangiiffigisassatut siunnersuutit uku akuersissutigineqarnissaat ataatsimiititaliamit sulit

inassutigineqarpoq. Tamanna akitsuuseeriaatsimik nutaamik snescooterinut ATV-nullu akitsuutit millisinneqarnissaannik naalakkersuinikkut amerlasuunit kissaatigineqartumut taartaasariaqartunik Naalakkersuisut saqqummiussinissaasa tungaannut nunatta karsianut ukiumut 8 mio. kr.-it tikillugit iluanaarutissaagaluanik annaasaqaataagallassasoq ataatsimiititaliamit ilisimaneqarpoq. Taamaattumillu siunissami akitsuuseeriaasissamik suliaqarnerminnik Naalakkersuisut annertusaanissaat ataatsimiititaliamit kaammattuutigineqarpoq.

Naalakkersuisunit aammalu Atassummit imm. 54-imut allannguutissatut siunnersuummik saqqummiussisoqarpoq. Tamanna pillugu isumaliutissiissutigeqqaakkamini 4. november 2019-imik ullulerneqartumi oqaaseqaatiminut ataatsimiititaliaq innersuussivoq.

### **Ataatsimiititaliap inassuteqaatai**


#### **UKA 2019/135:**

Ataatsimiititaliap isumaqatigiittup siunnersuut akuersissutigineqassasoq inassutigaa.

#### **UKA 2019/54:**

Ataatsimiititaliap isumaqatigiittup allannguutissatut siunnersuutit Atassummit aamma Naalakkersuisunit saqqummiunneqartut itigartinneqassasut aammalu siunnersuutaqqaartoq akuersissutigineqassasoq inassutigaa.

Taamatut oqaaseqaateqarluni isumaliutissiisummilu allassimasutut paasinnilluni  
ataatsimiititaliap siunnersuut aappasaaniigassanngortippaa.



Hermann Berthelsen  
Siulittaasoq



Peter Olsen  
Siulitaasup tullia

Karl-Kristian Kruse




Henrik Fleischer



Malene V. Rasmussen



Múte Bourup Egede



Jens Napaattoq